

نومرو : ۷۲

اجتهاد

اداره خانه

ایستانبول ، جفال اوغلنده

دائرة اجتهاد

Idjtihad Constantinople

دوردنجی سنه

حریت فکریه یه خادم

پنجشنبه کونلری چیقار اجتماعی، ادبی مجموعه

مدیر مرخص : الرهامی صفا

آبونه

سنه لك آلتی آیلق

تورکیا ایچین ۴۰ غروش ۲۵ غروش
ممالک اجنبیه ایچین ۱۰ فرانق ۶ فرانق

نسخه سی ۵۰ یاره

۱۸ تموز ۱۳۲۹

ادامدى ، جدى ، واولدېقچە احوال تاريخيە و سياسيه ايله
مأنوس ايدى ، هيىچ برشعردن ، هيىچ بر شى اكلاماز ،
و هيىچ بر شعره اصلا اهميت و يرمزدى . بىم بو شعر
قارهلامامى هيىچ خوش كورمه دى . وبانا اوقادار باردانه
چيقيشدى كه : نهايت بوتون آرزوى شاعريتى كوكندن
قوروتدى . و آرتق يكرمى بش ياشمه قادار ، هيىچ شعر
يايىق آرزوسى دويمايارق سنه لرم كچدى . بو عموجه م ،
او زواللى ايلك مولودم ، پك فنا سونه تمله برابر ، داه
نه قادار اىي وقتا شعرلرئى بوغمشدر ! .

مابعدى وار على فخرى

ترقى يوللرى و چاره لرى

اوروپاده طلبه نه تحصيل ايدىجك ؟

بزم هرشي تحصيلي ايچون اوروپايه احتياجز دركاردر .
فقط اوروپادن اوكرنه جكمز اك مبرم والمهم شي صنايع
مدنيه يعنى فى صنايعدر . بوسناييك اساميسى ايسه يوقايرده
ژاپونلر اك آمريقادن اخذ ايتدكلرى صنايع صره سنده
ذكر وتعداد ايدلشدر . بناءً عليه اوروپايه كيدىجك
هر طلبه اوراده اولاملككتك لسانتى مكملاً تحصيل
ايتدكدن يعنى اولاقونوشمىنى فامليا اره سنده عملى بر
صورته اوكرندكدن وبونى اكمل ايچون ابتدائى وتالى
مكتبلره دوامدن صكره تحصيل ايدىجكى صنعت ايله
مناسبتى اولان بر مكتبه دوام ايدر . بوكون بالخاصه صنايع
تحصيلي ايچون مكممل مكتبلر ياباشدر . بومكتبلر اوصنايى
يپان فابريقلر ايله مناسبته دار بولونديغندن ، طلبه بعض
كونلر مكتبده نظرى تحصيل ايله اشغال ايدلدىكى حالده
بعض كونلر دخى فابريقه ده حاضر بولنه رق برايشك نصل
ياپلديغى ياكورمك وياخود كندى ايله يايىق صورتيه
اوكره نور . بو كى مكتبلر صوك سنه لرده المانياده واسو-
يچرده پك زياده تعمم ايتشدر . اوروپاليلر ال ايشلرينه
پك مراقلى اولدقلرى حالده او ايشى كيتله چيقارهرق
بتون دنيا نك بازار و چارشولرينه كوندره بيلمك

قارينا نويه ، رافقونچى يه ، ساويليانويه ، هر هانكى بر ،
حتى اك اوراق بر قصبه يه كيرركن ، بوقنا آرابه نك بر بادلغندن
كندى كندى پك حقير بولارق ، كيمسه يى كورمه مك
وكيمسه يه كورونمه مك ايچون كوزلرئى قاپايوردم . اويله
ظن ايدىيوردم كه : كوزلرم آچيق اولورسه ، كچن سفرلرده
اوقادار زنده سرعتله كچن بى هر كس طانيياجق ، شيمدى
بو متواضع ياواشلغه تنزله آلاى ايدىجكلر .

» بو ، دروننده كى حرركات ، صيحا ق ، على مى ، يوقسه
خفيف ، متكبر بر روح مى ماحصلى ايدى ؟ بونى
بيلمه يورم . فقط شونى بيليورم كه : اكر بن ، قلب
بشرى واسعاً تفحص ايدى بيلير برينك ياننده بولونسيديم ؛
او ، احتمال ، بىم ايچمدن ، عشق افتخار و شان بويوتن
بعض شيلر بولوب چيقاراييله جكدى .

بو ، قونه ئوده كى بر قاچ كونلك اقامتمده ، ايلك
سونته مى ياپدم . فقط بونا بنمدر ، ديه ميه جكم . چونكه
او ، او وقته قادار آنجق ، و بر آز اوقويا بيلديكم ايتاليان
شاعر لرندن مه تاستاسيو ايله آريوستونك اشعارنده مكرراً
سويله نمش ، اونلر اك بوزولملشلى ، اونلرله اشيلانمش
شيرك ، خلاصه اونلر اك پارچه پارچه ايدملرلرندن وجوده
كتيرلمش بر شيدى . فقط ظن ايدرم كه : اونلرله نه قافيه ،
نده مصرع بورجلويم ، لاتينجه ورومجه ده كى كى آلتى
قافيه لى Esametro و دورت قافيه لى ايكي مقطعى Pantametro
نظم لر ياپدم ؛ و هيىچ كيمسه بانا ايتاليانجه نظمى و هيىچ بر
قاعده يى اوكره تمه دى . بن والا ، تخيل وتصور ايدىيوردم ،
نهايت عقلمه بر ، ياخود ايكي مصرع كليوردى ، زياده سى
قابل اولمايوردى . يالكر بيليورم كه : بوده ، عموجه مك ،
ملازمتنده بولوندينى ، بنمده پك خوشمه كيدن بر خانمك
سايه الهامنده وجود بولدى . بو سونته حقيقه چوق
فنا اولمقدن بشقه بر قيمتى حائر دكادى . بوتون بونلرله
برابر بكا چوق افتخار ويردى ؛ و ، او هيىچ بر شيدن
خبرى اولمايان خانمله ، ديكر امثالنك الهاماتندن ، كيتدجكه
كندى شاعر بولمغه باشلادم . فقط عموجه م كه بر عسكر

و قونديره ياپمق خيلى مهم بر صنعتيه محتاجدر . بوضعتى بيلمان وياخود اجرا ايدمهيان بر آدم قيشك صغو غندن يازين صيجا غندن متأثر اوله رق چوق سورمز اولور كيدر . بوبر آدم ايچون بويه اولدينى كى بر ميليون آدم ايچونده بويه ، يوز ميليون آدم ايچونده ينه بويه در . اويله ايسه اوضعتى بيلمان بر ملت دخى بويه جه اولور كيدر .

انسانه وحيوانه بخش الهى . اولان حس ، انلرده اك اول كنديسىنى يعنى نفسنى محافظه قيدنده بولمق صورتيله تظاهرايدر . يعنى هرانسان اك اول باشى صوقه جق بر دليك بر كلبه و صرتته كيه جك بر لباسه محتاج اولديغى حس ايدر . وحشيلر اولرينى اغاچلره قوغوق آچهرق وياخود طور اقدن مغاردرلر ياپهرق بنا ايدرلر . مدنيلر ايسه اولرينى اخشاب وياخود كار كير اوله رق طور ارق اوزرينه قات قات وفن مخصوصنه توفيقاً انشا ايدرلر . فقط كرك وحشى و كرك مدنى اولسون او انشاسنده صنعتى بيلمكه محتاجدر . يعنى صنعت هم مدنى به وهمده وحشى به لازمدر . بروحشى انسان الينوب مدنيته سوق ايدلده و بويولده بر مقدار ترقى ايتدكدن صكره ارتق اواسكى وابتدائى خانه سنى لباسنى ترك ايتكى ارزو ايدر . بو ارزو كنديسىنى مدنيلرك ياپدينى او كى اويامغه و مدنيلرك كيديكى كى قماش ولبسه ياپمق صنعتى او كرنمكه سوق ايدر او ووحشى بو علم و صنعتى او كرنمك صورتيله صحيحاً مدنى اولور . مدنى اولمق ايچون مطلقاً صنعتته واقف اولمق ايجاب ايدر .

صنعت ترقى ايتدكجه انسانلر مدنى اوله مامشدر . بناء عليه بزرده دهامدنى اولمق ايچون صنعتى او كرنملى يز . بو صنعتى ، اوروپايلر وياخود امريقاليلر كى ماكنه ايله ياپمق اصوللرينى او كرنملى يز .

صنعتسز ملت زنكين اوله ماز ، ترقى ايدمهز ، يشايه ماز واك نهايت اولور .

مملكتهمزده زراعتى ايلرى كوتورمك ايچون يكرمى

ايچون انى ماكنه ايله ياپمق چاره لرينى تحري ايتمشلر وبولمشلردر . ايشته بزم دخى او كرنه جكمز شى هرهانكى بر مالزمه واشيائى ماكنه ايله ياپه بيلمك خصوصيدر . بويه هر شئي ماكنه ايله ياپه بيلمك خصوصنده المانلر صوك سنه لرده بيوك استعداد واقتدار كوستر مشلردر . معلوم اولان آلات وادوات واشيا ولوازمندن هيچ بريسى يوقدر كه ماكنه ايله اولماسون .

ماكنه و دستكاه ايله چيقارمق دنيا ده اك مهم واك الزم بر كيفيت وخصوصاً عصر حاضر ايجاباتنددر . مثلاً بر دولتك بر ميليون عسكريته لازم اولان بش مليون متره شيايق ال ايله وياخود وسائط عاديه ايله نه قدر زمانده استحصال اولنه بيلير ؟؟ بونك ال ايله استحصالى هان ممكن بيله دكلدر . بر مليون تفك ، بوكا مخصوص بر مليار فشك ال ايله نصل اعمال اولنه بيلير ؟

مثلاً استانبول وياخود از مير كى بيوك شهرلر اهالىسى ايچون شوقدر مليون كيلو اون ال دكر منلرله تدارك ايدمك ممكن اولورمى ؟ يارين فابريكه لر زياده لشوب يوز بيكر ايله عمله قوللانيلمغه باشلاندينى حالده بونلرك لوازمى نه صورته تدارك ايديله جك ؟ البته الكتريق وياخود بخار ايله متحرك ماكنه لردن استحصال ايديلن قوتلرى دستكاهلرده استعمال ايتمك صورتيله اوله جق . اشته بزم اوروپايه سوق ايدمه جكمز طلبه دخى بونلرى او كرنه جك . مدنيت حاضره يى صنعت ياپمشدر . صنعتسز نه برتك انسان ونه ده بر ملت حيات ده قاله ماز ، يا اولور وياخود محو ومنقرض اولور .

چيلاق كزن بر آدم مدنى عد اولنه بيليرمى ؟ صرتنده البسه اياغنده قونديره اولميان بر آدم كنديسنك پك مدنى وياخود عالم اولديغى ادعا ايتسه ، بالطبع اكاكولر وياخود حالته آجير سكر . چونكه ، او آدم حقيقه مدنى وياخود عالم اولسه ايدى ، اك اول ياپه جنى شى شدا نده وائيه بقارشو بدنتى محافظه ايدمه جك اولان اليه سنى وياغنه كيه جك قانى تدارك ايدر ايدى . حالبوكه البسه اعمال ايتمك

نه قزانه بيله جكمزك تعيننى خصوصى قارئىن كرامك تقدرينه ترك ايدرم .

ثروت نصل كليز ، نصل قزانيلير - مملكتده عادى و تيمور يوللرى يايىق ، كوپرلر انشا ايتك ، نهرلرى طرايوب سيرسفاشه و ياخود نقلياته مساعد حاله قويىق ، دكزلرده و نهرلرده واپورلر ايشلتمك ، بطاقلقلرى قوروتوب هم صحتمزى محافظه ايتك و همدمه قابل زرع اراضى ميدانه چيقارمق صورتيله دكلى ؟ فقط شو يوقاريدى صايدىغ شيلرك هانكىسى واردركه صنايع فييه محتاج اولمقسزىن حاصل اولسون .

بونلرده كندىز طرفدن يالمقسزىن ثروت ايدىمك ممكن اولمديغندن بونلرى بز كندىز ياپه بيلمك قدرتى استحصا ايدنه قدر ملتجه فقير ، حقير ، خارجدن تعرضه معروض ، مدافعه سز قالمه من ضرورى اولور .

اويله ايسه بوفنون و صنايعى اوكرنك ايجون نه ياپهلم ؟ اوروپا و امريكانك بيوك صنايع مركزلرينه طلبه و چراق كوندردم . اورالرده تحصيل ايتسونلر فابريقه لرده چالشسونلر او علوم و صنايع فييه بىحق ، و بورايه عودتلرنده اراضى اوزرنده ، فابريقه تأسيسنده ، ماكنه اعمالنده ، تيمور و كمور معدنلري ايشلتمه سنده ، دمير آلات و ادوات اعمالنده فعلا و عملا تطبيق و اجرا ايدىمك درجه ده مكمل تحصيل ايتسونلر . فقط بوايجه اوزون بر ايشدر . بوكون باشله ساق انحق اونىش سنه صكره ثمره ويرر . اويله ايسه همان مباشرت ايدم .

يكي بوايشه نه صورته باشلايم ؟

۱- مملكتك بتون زنكىنلرى اولادلرينى ، اقربالرينك اولادلرينى و حتى چالشقان فقرا چوجقلرينى كندى حسابلرينه معين بر صنعت اوكرنك ايجون يا اوروپايه ويا امريقايله كوندرمىلدرد .

۲- مملكتك اصحاب ثروتندن و متفكرينك اك معتمدلرندن يكرمى اوتوز اعضالى بر جمعيت تشكيل ايديلهرك براعائنه عموميه كشاد ايتلى و حاصل اوله جق پاره

سنه دنبرى اناطولى يه درلو درلو اوروپا اعمالى يكي صپانلر يولقلر اوراق ماكنه لرى ادخال ايتدك و كويلويه تشويقات اجرا ايدىمك و تسهيلات كوستردهرك بونلرى مبايعه ايتدىمك . فقط بوماكنه لرى هيچ بريرده قوللانمديلر او ايكي صبان ايله بر ايكي كون طوپراغى سوردكدن صكره بر طرفى قيرلدى . برقولى سقطلدى ، اونى تعمير ايدىمك اوسته موجود اولمديغى ايجون صبان معطل قالدى و بر طرفه آتلى . بويله جه هم او آلايه ويريلن پاره زيان اولدى ، همدمه كويليده بو اوروپا اعمالى يكي ماكنه لرى ايله ايش كوروله ميه جكنه دائر بر فكر ، بر شهبه حاصل اولدى .

بو خصوصده كى عدم موفقيت سببى نهدربيلير ميسكز ؟ مملكتده صنعت اولمامسى ، صنعته هيچ بر طرفدن اهميت و يرللماسى . بوماكنه لرك ادخال ايدلى يكي محللرده يكرمى اوتوز كويك و سطنده بوكى ماكنه لرى تعمير ايجون قوللانيلان دستكاهلرى محتوى بر كوچك تيمور اعمالا - تخانه سى تأسيس و بونك اداره سى كذا بوماكنه لرك صورت اعمال ، استعمال و تعميرينه واقف بر تيمورجى اوسته سى و قبا تسويه جى اوسته سنه ويرلسه ايدى ، كويلي قيريلان و ياخود بوزيلان زراعت ماكنه سنى او دكانه كتيرهرك تعمير ايتدىرر و بويله جه اوماكنه لردن ديانك هر طرفنده ايديلان استفاده تايمين ايديلهرك كليتلى مقدارده حبوبات استحصال ايديلير ، كليتلى اخراجات ياييلير ، كويلي زنكىن اولور ، شمندوفرلر كارايدرلر ، دولت زياده عشر و سائر الهرق خزينه ملت كسب و سعت ايدر و مملكت مسعوديته طوغرى يورر ايدى .

باشليجه زراعت مملكتى اولان اناطوليمزدن چوق حبوبات استحصال ايدىمك ايجون قوللانمغه مجبور اولديغىمىز زراعت ماكنه لرينك محضا صنعتسزلك يوزندن بويله دوچار عقامت اولدقن صكره ، ده چوق يوكسك صنايع فييه محتاج اولان سائر منابع ثروت مزدن ، مثلاً معدنلر يمزدن ، نهرلر يمزدن ، اورمانلر يمزدن ، دكزلر يمزدن

ایله فقرا، چالشقان چوجقلرینی کذا تحصیل صنعت ایچون اوروپا ویا امریقایه حتی ژاپونیا به کوندرملی .

۳ — بوجعیت چوجغنی اوروپا به کوندرمکه پارهسی کفایت ایتمیانلره تقدراً یاردم و معاونت ایتملی .

۴ — جمعیت هر واسطه به مراجعت ایله اوروپا و امریقانک هانکی شهرلرنده هانکی مکتبلر اولدیغنی و بو مکتبلر هانکی فابریقهلر ایله مناسبتدار اولدیغنی و نه کی صنایع ویا مهندسلک ویا خود علوم و صنایع سائر تعلیم ایتدکارینی، و بونی نه قادار زمانده و نه درجه به قادار اوکرتنه بیلدکلرینی و اجر تلیرینک و شرائط سائر سنک نه اولدیغنی و هانکی مملکتلرده معیشتک و حیاتک اوجوز و فقط ناموسکارانه اولدیغنی و کیده جک طلبه نره لرده اقامت ایده جک و تحصیل کونلرینی ناصل امرار ایده بیله جکلرینی اوکرنمه لی، و بو معلوماتی غزتله و سائر ایله خلقه اعلان ایتملی .

والحاصل بوجعیت تحصیل ایچون و تجارت ایچون دنیانک هر طرفه کیده جک عثمانیلره معلومات لازمه اعطا و تسهیلات مقتضیه اجرا ایده بیله جک بر مرجع اولملی . و بونک بویه اولدیغنی ممالک عثمانیه نک هر طرفه هر صورتله اعلان و تعمیم ایتملی .

۵ — بوجعیت اوروپا و امریقا و ژاپونیا نک هر طرفه کی بوکی جمعیتلر ایله مراکز تحصیلیه و اجانتهلر ایله پیدای مناسبت ایدرک انلرک معلومات و دلائلرندن مستفید اولملی . بوسورتله مکتبلرک و دارالفنونلرک، فابریقهلرک و سائر منابع و مراجع تحصیللرک پروغرا ملرینه اصول تدریس و تعلیملرینه، معلملرینه ویا اوسته لرینک قدرتلرینه و اعمال ایتدکلری اشیانک نفاست، مکملیت و سورومه و قوف حاصل ایتملی .

۶ — اوروپا به تحصیلیه کیده جک طلبه ایچون اک مهم مسئله او مملکتک لسانی اولدیغندن هر سنه کیده جک چوجقلره اولسانی تعلیم ایچون مکتبلر تأسیس، کتابلر

انتخاب، معلملر تدارک ایتملی و کندیلرینه کرک طوغریدن و کرک تحریراً مراجعت ایدنلره بوکی خصوصاته توسل ایده جکلری اصوللری ارانه و معلومات تامه و نصایح اعطا ایتملی .

۷ — جمعیت تجارت و یا عمله لک ایتمک اوزره اوروپا به کیمه لری ایچون خلق بینده تشویق ائده بولنه جنی کی هانکی مملکتک هانکی قطعاننده نه کی فابریقهلر و یا خود ایشلر اولدیغنی و نه کی امتعه و اشیاء اعمال اولندیغنی اجورات یومیه و ماهیه نک مقدارینی تعیین ایچون صرفی مقتضی پاره نک اشاغی یوقاری مقدارینی، و نه طریقلر ایله اورالره کیده جکنی و ویریه جک یول اجر تلیرینی ویا نولارینی و بونلرک اهون و قیصه لرینی تحقیق و خلقه اعلان ایتملدر .

۸ — جمعیتک لسان بیلیر و اوروپا معیشتنه واقف مأمورلری هر خصوصده طلبه به دلالت ایده جکلری کی، مفقشرلی دخی علوم و صنایعه واقف ذواتدن اوله جقلرندن طلبه نک کثرتله بولندقلری شهرلری و بونلرک مکاتب و فابریقهلرینی زیارت ایله طلبه نک درجه تحصیل و سعیلرینی تقشیر و دوچار اوله بیله جکلری مشکلاتی تسویه ایتمه لیدرلر .

۹ — اوروپا به و امریقا به بجاناً تحصیل و پررو صنعت تعلیم ایدر اصحاب خیرات طرفندن تأسیس ایدلش بر چوق مکاتب و مؤسسات و سائر واردر . طلبه به بجاناً طعام و محل اقامت و پرر . جمعیت بونلری اوکرنه نک بعض فقرا چوجقلرینی اورالره کوندره جکی کی دیگر بعضلری دخی پک جزئی بر پاره و یرمک صورتیه طلبه قبول ایدرلر . بو محل تحصیللره دخی پک چوق طلبه و چراق کوندریه بیلیر . دیگر بعض مملکتلرده ده تحصیل هرکس ایچون بجانی اولوب طلبه خارجه کندی حسابنه اقامت ایدر .

۱۰ — ممالک شاهانه داخلنده تیمور یولی، معدن تنویرات، تلفون امتیازلری اخذ، فابریقه تأسیسی بائقه کشادی صلاحیتی، ریختم و لیمان انشاسی، اورمان

باقه رق صریح اووه لرینه طوغرو یا ییلماسی اولنجه کچن هفته نك شاه اثرخی بواردونك ادرنه و فرق کلیسیاه دخولی کبی بزجه حیات مسئله سی قدر مهم اولان بروقه تشکیل ایده جکی هیچ شبهه کورتورری؟ اوت، دمردر بزی اوزن بو طاتلی رؤیا تحقق ایتدی، اوخیال سودا فروزی الیزله طوتدق و بونك ارتق برخیال دکل بتون مادیت وجسمانیتله بارز برحقیت اولدیغنه ایمان ایتدك. بالقان حربنك پك آجیقلی رومانلره زمین فجایع اولدیغنه شبهه یوقدر. بورومانلری او قومق بزم ایچون پك الیم ایدی. چونکه بورسله فجایعدن عبارتدی. هیچ برینك آرزویه.. یالکز آرزویه دکل پك چوق بکلنیلدیکی حالده ظهور ایتدیکندن طولای انکار اولتی درجه لرینه واریلان عدل الهییه موافق بر نتیجه ایله باغلاندینی کورولیوردی. شیمدی کیم بیلدر اردوض کچدیکی، واردینی یرلرده نه جانلر قورتاردی، نه قدر روحلری اسارتدن، وحشت واستبداددن تخلیص ایتدی. ناکه یان وجوده کلن شو بشارتلی نتیجه یی آلردن بری چکیلن اشکنجه لره ربط ایدنجه الکساندر دومانك قلمنه لایق رومانلر چیقمازی؟



حال بویله ایکن صوفیه حکومتی ترک اردوسنك مظالمندن بحث ایده جك قدر بر جرأت ویا تحفلق کوستریور. اردونك تربیه عسکریه خارجنده هیچ بر حرکتی کورولدیکی اجانبك شهادتیه ثابت اولماسه یدی بولغارلرک ادعایخی تصدیق ایتکله برابر کندیلرینه پك معروف اولان کچی وقویون حکایه سنی خاطراتوب کولمکدن کندی منع ایده مزدم. بوشکایت سرخوشك سرزنشنه بکزه دی. معلوم آ، سرخوشك بری کوفه لک اولمش و حقیقه بر کوفه یه قونمش کورتورولیورمش. اوتهدن ایچکی یه پك آلیشیق اولدینی ایچون برایی کدحله سواقده سنده لهرک کیدن دیگر بر سرخوشه تصادف ایدنجه کوفه ده کی جدی بر تأسفله:

— به آدام، مادام که قالد بره میه جقسک، به پسی نه ایچرسک؟ دیمش. بولغارلر اجرای مظالم امتیازینك بر امتیاز فطری وطیعی شکلنده یالکز کندیلرینه و برلش اولدیغنی بحق ادعا ایده رک کچدیکی یرلرده یاغینلر، خرابه لر، پامال ایدلش عقتلر، آت بارجه لری، کیک بیغینلری، جسد قوقولری، قادین صاچلری بیراقوب اولیه کیدیورلر.



شیمدی اک روحلی مسئله «ادرنه بزه قالاچمی؟» مسئله سیدر. آیلرجه منقابلًا حسرت یاشلری دو کدکن صوکره مسعود بر در آغوش ایله بر برینه قاووشان بوبابا اولادآت طیرناقدن آیریلرکی نه بر برندن آیرلاچمی؟ بولغارستان غارسزلنی افراطه ادریر دیغندن طولای کاندن کچندن بروضع تهیدید کورون حتی

ایشلتمه سی، سیرسفاش قومپانیه سی تأسیسی، یول انشاسی امتیاز و مساعده سی اخذ ایدن اجنبی و یرلی شرکتلر زردنده حکومت سنیه نك دلالتیه تشبثاتده بولنهرق بولنره یا اوروپایه کوندروب تعلیم ایتدیردکن صکره و یاخود همان کندی اموزنده استخدام ایتک اوزره برخیی کنج طلبه سوق ایتلیدر.

۱۱ — جمعیت اوروپاده و یاخود بوراده تحصیل ایتش مهندس، اوسته، چرخچی و هر نوع عملایه ایش بولیه یله جک وسائلطی و معلوماتی دایما حاضر بولندیرر. مراجعت ایدنلری بوایشلره سوق ایدر. مثلاً اناطولیدن بریمی بر ماکنه تدارک ایده جک، هانکی فابریقه نکیکی ده ائی، ده اوجوز و موافق اولدیغنی، یاخود بر چرخچی اوسته سنه احتیاجی اولدیغنی جمعیه بیلدیردیکی حالده جمعیت مراجعت ایده نه هم معلومات و یرملی و همیده اولیه بر اوسته، مهندس، معمار، رسام، تسویه جی، تیورجی تدارک ایتلی و کوندرملیدر.

۱۲ — مملکتک و ملتک خیر و منفعت عظیمه سنه خادم بویله بر جمعیت خیرییه حکومت سنیه طرفندن حمایه ایدیلوب مظهر تسهیلات اوله جغندن جمعیت حکومت سنیه نك هر طرفه کی قونسلو سیرینه لدی المراجعة فابریقه لر، مکتبلر، و ممالک مختلفه ده ایشچییه احتیاج خصوصلرنده اخذ معلومات ایده بیله جکبری کبی، اورالر کیده جک طلبه و سائر دهخی مأمورین رسمیه مذکوره طرفندن محافظه و صیانت ایدیلیدر.

انسانلر و ملتلر صنعتسز یشایه مازلر. اک زیاده صنعت صاحبی اولنلر اک چوق یشامغه نامزددرلر و یشارلرده. بزده عزم ایتدکسه، همان اوروپایه بیکرله حتی یوز بیکر ایله طلبه کوندردک، صنعتی یرندن الهم و سائر ملتلر کبی حق حیاته کسب استحقاق ایتش اولدیغیزی علما بیلدیره.

ع. ح

هفته نامه



اولکی هفته نك شاه اثری اردوی عثمانینك اوزاق افقلره